



Broj: 16-12-16-3934-15/26  
I. Sarajevo, 13. 08.2026. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH”, br. 27/04, 63/04, 35/05, 49/09 i 40/12), čl. 70. i čl. 72. stav (3) tačka a) Zakona o javnim nabavkama („Službeni glasnik BiH”, br. 39/14, 59/22 i 50/24), u postupku javne nabavke goriva za potrebe Državne agencije za istrage i zaštitu putem otvorenog postupka, direktor Državne agencije za istrage i zaštitu, d o n o s i

### **ODLUKU**

o izboru najpovoljnijeg ponuđača u postupku javne nabavke goriva za potrebe Državne agencije za istrage i zaštitu i dodjeli okvirnog sporazuma drugorangiranom ponuđaču

#### **Član 1.**

U otvorenom postupku javne nabavke goriva za potrebe Državne agencije za istrage i zaštitu (u daljem tekstu: Agencija), okvirni sporazum za LOT 3-Nabavka goriva na području Banja Luke na period od tri godine, dodjeljuje se drugorangiranom ponuđaču, firmi „NESTRO PETROL” AD Banja Luka, za ponuđenu cijenu od 164.900,35 KM bez uračunatog PDV-a, te za LOT 5-Nabavka goriva na području Tuzle na period od tri godine okvirni sporazum se dodjeljuje drugorangiranom ponuđaču, firmi „NESTRO PETROL” AD Banja Luka, za ponuđenu cijenu od 140.362,16 KM bez uračunatog PDV-a, koliko je ponuđeno na e-aukciji održanoj dana 20.07.2026. godine.

#### **Član 2.**

Ovom odlukom stavlja se van snage Odluka o izboru najpovoljnijeg ponuđača u postupku javne nabavke goriva za potrebe Državne agencije za istrage i zaštitu, broj 16-12-16-3934-11/26 od 28.07.2026. godine (u daljem tekstu: Odluka) u dijelu člana 1. stav (1) kojom se za LOT 3-Nabavka goriva na području Banja Luke na period od tri godine i LOT 5-Nabavka goriva na području Tuzle na period od tri godine, okvirni sporazumi dodjeljuju ponuđaču „HIFA-PETROL“ d.o.o. Sarajevo.

#### **Član 3.**

Ova odluka se dostavlja ponuđačima u roku od tri dana, a najkasnije u roku od sedam dana od dana donošenja iste, uz istovremeno objavljivanje na internet stranici Agencije.

#### **Član 4.**

Za izvršenje ove odluke zadužuje se Sektor za materijalno-finansijske poslove Agencije.

## Član 5.

Ova odluka stupa na snagu danom donošenja.

### O b r a z l o ž e n j e

Odlukom broj 16-12-16-3934-1/26 od 14.05.2026. godine pokrenut je postupak javne nabavke goriva za potrebe Agencije, procijenjene vrijednosti 1.500.000,00 KM bez uračunatog PDV-a, za koji je obavještenje o javnoj nabavci broj 1161-1-1-121-3-43/26 objavljeno na Portalu javnih nabavki 28.05.2026. godine i u „Službenom glasniku Bosne i Hercegovine“, broj 39/26 od 05.06.2026. godine. Novčana sredstva za realizaciju navedene nabavke osigurana su u okviru proračunskih sredstava za 2026. godinu, a na osnovu Instrukcije o privremenom financiranju institucija Bosne i Hercegovine za period april-juni 2026. godine, broj 05-02-2-2061-1/26 od 26.03.2026. godine i Dokument okvirnog budžeta 2026. - 2028. godina.

U toku postupka javne nabavke, Komisija za provođenje postupka nabavke goriva za potrebe Državne agencije za istrage i zaštitu, zaprimila je pristigle ponude, izvršila njihovo otvaranje, te izvršila pregled i ocjenu ponuda, a prema zahtjevima i kriterijima iz Tenderske dokumentacije. Za navedeni postupak javne nabavke predviđena je e-aukcija u skladu s odredbama Pravilnika o uslovima i načinu korištenja e-aukcije („Službeni glasnik BiH“, broj 80/23). Prema izvještaju o toku i završetku e-aukcije od 20.07.2026. godine, sačinjena je rang lista ponuđača na osnovu koje je donesena Odluka kojom je, kao najpovoljniji ponuđač za LOT 3-Nabavka goriva na području Banja Luke na period od tri godine i LOT 5-Nabavka goriva na području Tuzle na period od tri godine, izabrana firma „HIFA-PETROL“ d.o.o. Sarajevo.

Obzirom da izabrani ponuđač „HIFA-PETROL“ d.o.o. Sarajevo, nije u ostavljenom roku navedenom u članu 2. Odluke, odnosno do 03.08.2026. godine, dostavio originale ili ovjerene kopije dokumenata iz člana 45. Zakona o javnim nabavkama (u daljem tekstu: ZJN) ne starije od tri mjeseca od dana dostavljanja ponude ili zahtjeva za učešće, već su isti dostavljeni 05.08.2026. godine, protokolisani pod brojem 16-12-16-3934-14/26, Agencija je postupajući po odredbama člana 72. stav (3) ZJN, dodjelu ugovora ponudila drugorangiranom ponuđaču i to: za LOT 3-Nabavka goriva na području Banja Luke na period od tri godine i LOT 5- Nabavka goriva na području Tuzle na period od tri godine, firmi „NESTRO PETROL“ AD Banja Luka, kako je navedeno u članu 1. ove odluke.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

#### DOSTAVLJENO:

- „HIFA-PETROL“ d.o.o. Sarajevo (poštom);
- „NESTRO PETROL“ AD Banja Luka, (poštom);
- Ponuđačima (mail-om);
- Sektoru za mat.-fin. poslove;
- a/a.

